



Këek ku tɔŋ kɔc ke pan tɔk

Në Athɛ-ral-iyɑ, këek ku tɔŋ kɔc ke pan tɔk acie ye gam.

Këek ku tɔŋ kɔc ke pan tɔk ɛ awuɔc në lõŋ nhom.

Raan bë awuɔc cɛt kækë looi alëu be mac ɣɔc de mác, na yekë rɔör ka diäär.

Na cë kërɔc yin yök ka raan ɲic, apieth ba bolith cɔl në nimra kán **000**.
Boliith ke Athɛ-ral-iyɑ aanɔŋ gup döör ku aalëu bi keek ɲöøth.

Na wíc wëët ë wëlpieth ke ciɛŋ ku koony abac, ke yí cɔl 1800 RESPECT në **1800 737 732**.

Na wíc raan bë thok waar abac ke yí cɔl **131 450**.

Akuma de Athɛ-ral-iyɑ (Australian Government) acie këek ku tɔŋ de kɔc ke pan tɔk ye gam acak ɲö yĩndi ë thaa thok ëbën.

Këek ku tɔŋ de kɔc ke pan tɔk anɔŋci ciɛŋ rac ka ba raan thiät në rin wíc yin ba tik ka moc rëer wek ëtök baai riääc ka ba thiät ë kë rac lëu ba luõi keek. Këek ku tɔŋ de kɔc pan tɔk alëu bë yic nɔŋ:

- thät;
- dëc;
- pëen de wëu ke piir tənɔŋ raan de paandu ka kɔc paandu;
- ba thiaan ku ba gëlwei tē nɔŋ mǎthkë ku kɔc paanden;
- lëët ka kuɔc jām de raan de paandu; ku
- thiët de mǐth ka läi.

Diäär aanɔŋ yith thõŋ cēmēn de rɔör.

Lõŋ ke Athɛ-ral-iyɑ aaye diäär thõŋ ke rɔör.

Raan ëbën anɔŋ yic bë ciɛŋ ë nholmääu tē cín tɔŋ, bë piõu miɛt paande ku akutnhom tōu yen thín.

Diäär aacií pieth bë keek ya ciɛŋ arac ka bë keek ya yíck gup ɣán tɔk.

Anɔŋ kony ye ciɛŋ ë paandun theek tōu në Athɛ-raliya lëu bik yí kony.

1800 RESPECT ee ajuisɛr de kony de duõt de piõu de Athɛ-ral-iyɑ ëbën de kɔc cí tääc ë riɛl, këek ku tɔŋ de kɔc ke paan tɔk (Australia's National Sexual Assault, Family and Domestic Violence Counselling service). Aye kɔc jam ë telepunic abac, ku ee kɔc lëk wël ke duõt de piõu në yin-ter-net-yic. Kɔc ye kɔc duut piõøth aabë wëtdu pinŋ, abë thiëecku dhuknhïim ku aabë yin tuɔc tēde ɣán ke konykony thiäk ke yin.

Cɔl **1800 737 732** ka lɔr tənɔŋ web-thait de 1800 RESPECT www.1800RESPECT.org.au.

Wíc raan ye thok waar?

Cɔl **ajuisɛr de wäär de kë cí gõör ku thok (Translating and Interpreting Service (TIS))** abac në **131 450**. TIS alëu bë yin kony ba jam wek konykony kök. TIS acie kɔc ye duut piõøth.